



揚州圖經卷八

事志八元 明

史弼傳至元十三年六月制授弼昭勇大將軍揚州路  
總管府達魯花赤兼萬戶冬遷黃州等路宣慰使

元史一百

六十

世祖紀秋七月以中書右丞阿里海牙爲平章政事簽  
書樞密院事淮東行樞密院別乞里迷失爲中書右丞  
參知政事董文炳爲中書左丞淮東左副都元帥

同上九

冬十月參知政事陳巖行中書省事於淮東

同上

至元十四年春正月置江淮等路都轉運鹽使司及江

淮權茶都轉運使司

同上

秋七月丙午置行御史臺於揚州以都元帥相威爲御

史大夫

同上

至元十五年春三月乙未命揚州行省選鐵木兒不花

所部兵助隆興進討

同上

史弼傳十五年弼入朝陞中奉大夫江淮行中書省參

知政事

同上 一百六十二

秋七月癸巳以塔海征夔軍旅之還戍者及揚州江西

舟師悉付水軍萬戶張榮實將之守禦江口

同上 十

冬十一月丁未行中書省自揚州移治杭州立淮東宣

慰司於揚州以阿刺罕爲宣慰使

同上

十二月丙戌揚州行省上將校軍功凡百三十四人授

官有差

同上

至元十六年春二月敕揚州湖南贛州泉州四省造戰

船六百艘

同上

九月同知揚州總管府事董仲威坐贓罪行臺方按其  
事仲威反誣行臺官以他事詔免仲威官仍沒其產十

之二

同上

至元十七年春二月癸亥高郵等處饑賑粟九千四百

石

同上

夏六月江淮等處頒行鈔法廢宋銅錢遣不魯合荅等

檢覈江淮行省阿里伯燕鐵木兒錢穀

同上

至元十八年春三月揚州火發米七百八十三石賑被

災之家

同上

夏四月辛巳通泰二州饑發粟二萬一千六百石賑之

宋元通鑑一

百二十九

秋七月賜貴赤合八兒禿所招和真滌等戶二千八百

二十俸自領之

元史十一

閏八月兩淮轉運使阿刺瓦下坐盜官鈔二萬一千五百錠盜取和買馬二百四十四匹朝廷宣命格而弗頒

又以官員所佩符擅與家奴往來貿易等事伏誅上同

冬十月壬子用和禮霍孫言於揚州隆興鄂州泉州四

省置蒙古提舉學校官各二員

宋元通鑑一  
百二十九

十一月丁亥給揚州行省新附軍將校鈔人二錠元史十一

崔斌傳尚書留夢賢謝元昌言江淮行省事至重而省

臣無一人通文墨者乃命斌遷江淮行省左丞既至凡

前日蠹國漁民不法之政悉釐正之仍條具以聞阿合

馬慮其害已摭其細事使不獲上見因誣搆以罪竟爲

所害

同上  
一百七十三

案本傳不載年月當在阿合馬未死之前故附於此

至元十九年夏四月遣揚州射士戍泉州同上

六月鎖鑿忽辛赴揚州鞠治同上

秋七月戊午朔立行樞密院於揚州同上

九月壬申敕平灤高麗耽羅及揚州隆興泉州共造大

小艦三千艘同上

冬十月乙卯誅阿合馬長子忽辛第二子抹速忽於揚

州皆醢之同上

案元史阿合馬死帝詢孛羅盡得其罪逮忽辛敕廷

臣雜問則忽辛之死當在燕京本紀誤

至元二十年春二月敕遣官錄揚州囚徒同上

三月乙丑命兀奴忽魯帶往揚州錄囚同上

五月甲子徙揚州淘金夫赴益都同上

秋七月淮東宣慰同知宋廷秀私役軍四十人杖而罷

之同上

冬十月以忽都忽總揚州行省唆都新益軍同上

至元二十一年春正月甲子罷揚州等處理算以其事

付行省同上

二月辛巳以參知政事征緬浚揚州漕河同上

戊申徙江淮行省於杭州同上

史弼傳二十一年春改弼淮東宣慰使同上一百六十二



夏四月以火者赤依舊揚州鹽運使歲市鹽八十萬石

以贖過

同上

丁丑忽都虎烏馬兒劉萬戶等率揚州省軍二萬赴唆  
都軍前遇風船散其軍皆潰勅追烏馬兒等誥命虎符  
及部將所受宣勅以河西李魯合答兒等代之聽阿里

海牙節制

同上

閏五月丙戌行御史臺自揚州遷于杭州

同上

秋七月復揚州管匠提舉司

同上

九月中書省言福建行省軍餉絕少必於揚州轉輸事  
多遲誤若併兩省爲一分命省臣治泉州爲便詔以中

書右丞行省事忙兀台爲江淮等處行中書省平章政  
事其行省左丞忽刺出蒲壽庚參政管如德分省泉州

同上

諸王表鎮南王脫歡至元二十一年封出鎮揚州二十

二年奉旨征安南大德五年薨

同上  
百八

帖木兒不花傳世祖第九子脫歡以討安南無成功終

身不許見遂封鎮南王出鎮揚州

同上  
百十七

至元二十二年九月乙亥聽民自實兩淮荒地免稅三

年

同上  
百十三

至元二十三年秋七月庚午江淮行省忙兀帶言今置

省杭州兩淮江東諸路財賦軍實皆南輸又復北上不便揚州地控江海宜置省宿重兵鎮之且轉輸無往返之勞行省徙揚州便從之

同上十四

至元二十四年十二月丁卯減揚州省歲額米十五萬石以鹽引五十萬易糧

同上

至元二十五年春正月辛卯尙書省臣言初以行省置丞相與內省無別罷之今江淮省平章政事忙兀帶所統地廣事繁乞依前爲丞相詔以忙兀帶爲右丞相

同上

五

至元二十六年春二月徙江淮省治杭州改浙西道宣

慰司爲淮東道宣慰司治揚州

同上

夏四月省江淮屯田打捕提舉司七所存者徐邳海州揚州兩淮淮安高郵昭信安豐鎮巢蘄黃魚網石湫猶

十二所

同上

甲戌召江淮行省參知政事忻都赴闕以戶部尙書王巨濟專理算江淮省左丞相忙兀帶總之

同上

五月御史臺復徙於揚州

同上

八月甲戌詔兩淮轉運使毋得沮辦課

同上

至元二十七年十一月江南行省言揚州建康鎮江三城跨據大江宜置萬戶府七復宜增置戰艦分兵閱習

水戰之法詔從之

朱元通鑑一百三十二

至元二十八年春正月辛酉罷江淮漕運司併於海船

萬戶府由海道漕運

元史十六

二月以桑哥黨與罷揚州路達魯花赤唆羅兀思

同上

詔江淮行省遣蒙古軍五百漢兵千人從皇子鎮南王

鎮揚州

同上

命江淮行省參政燕公楠整治鹽法之弊

同上

秋七月戊申揚州路學正李淦上言葉李本一黥徒方

受上知卽以舉桑哥爲第一事致以非罪誅貶大臣遣

使四出鉤考錢穀民怨而盜發人皆知桑哥用羣小之

罪而不知尙書右丞葉李妄舉桑哥之罪宜斬葉李以

謝天下驛召淦詣京師置對淦至而李卒除淦江陰路

教授以旌直言

宋元通鑑一百三十二

己未移揚子縣治新城

元史十六

罷淘金提舉司江淮人匠提舉司凡五以其事並隸有

司同上

至元二十九年夏六月丁亥湖州平江嘉興鎮江揚州

寧國太平七路大水免田租百二十五萬七千八百八

十三石

同上十七

十二月以張珪爲江淮行樞密副使

宋元通鑑一百三十三

崔彧傳至元二十九年彧偕御史大夫玉昔帖木兒等  
奏行御史臺舊治揚州今揚州隸南京而行臺移治建  
康其淮東廉訪司舊治淮安今宜移置揚州從之

元史一百

七十  
三

至元三十年春正月甲戌河南江北行省平章伯顏言  
揚州忙兀臺所立屯田爲田四萬餘頃官種外宜聽民  
耕墾揚州鹽轉運一司設三重官府宜削去鹽司止留  
管勾

同上  
十七

戊寅詔舊隸乃顏勝納答兒女直戶四百虛糜廩食令

屯田揚州

同上

夏四月江南行大司農司自平江徙揚州兼管兩淮農  
事同上

至元三十一年十一月壬子詔罷湖廣江西及江淮等  
處各行樞密院江南省臣以軍民不相統一累請罷之  
帝以問伯顏伯顏對曰內而省院各置爲宜外而軍民  
分隸不便帝從之遂罷三院以其事歸行省宋元通鑑  
一百三十

成宗紀大德元年春三月庚寅立江淮等處財賦總管

府提舉司

元史  
十九

冬十月揚州淮安路饑賑之

同上



閏十二月甲申增兩淮屯田軍爲二萬人同上

大德二年十二月揚州淮安兩路旱蝗以糧十萬石賑

之同上

大德三年六月丙申揚州屬縣蝗在地者爲鶩啄食飛

者以翅擊死詔禁捕鶩同上

九月揚州旱免其田租同上

十二月揚州饑賑以糧同上

大德五年春正月丙寅以兩淮鹽法溢滯命轉運司官

兩員分司上江以整治之仍分印及驛券同上

秋七月戊戌朔晝晦暴風起東北雨雹兼發江湖泛濫

東起通泰崇明西盡眞州民被災死者不可勝計以米

八萬七千餘石賑之

同上

博羅歡傳博羅歡子伯都大德五年擢江東道廉訪副

使

同上 一百二十一

諸王表大德五年鎮南王脫歡薨子老章襲封

同上 一百八

大德八年秋七月辛酉罷江淮等處財賦總管府

同上 二十

一

大德九年秋七月揚州之秦興江都淮安之山陽水蠲

其田租九千餘石

同上

八月揚州饑

同上

大德十年春正月庚戌濬真揚等州漕河令鹽商每引輸鈔二貫以為傭工之費

同上

十一月益都揚州辰州歲饑減直賑糶米二萬一千餘

石

同上

武宗紀至大元年冬十月癸卯中書省臣請以湖廣米

十萬石貯於揚州江西江浙海漕三十萬石內分五萬

石貯朱汪利津二倉以濟山東饑民從之

元史二十二

閏十一月左遷敬儼為兩淮轉運使時儼為江南治書

侍御史以議立尙書省不便忤宰臣意適兩淮鹽法久

滯乃左遷儼為轉運使欲陷之儼至黜貪理做課復增

羨至二十五萬引河南省臣來會鹽筴欲以所增羨爲歲入常額儼以民罷已甚以羨爲額病民以爲已不可

遂止 宋元通鑑一百二十八

至大二年夏四月辛酉立興聖宮江淮財賦總管府詔

諭中外 元史一十三

至大四年十一月辛亥諸王不里牙屯等誣八不沙以

不法詔竄不里牙屯秃干於河南因忽乃於揚州 同上

四

仁宗紀皇慶二年秋七月己酉改淮東淮西道宣慰司

爲淮東宣慰司以淮西二路隸河南省 同上

仁宗紀延祐元年十二月庚子遣官浚揚州淮安等處

運河

同上二十五

延祐二年春二月真州楊子縣火發米減價賑糶

同上

延祐四年春正月揚州饑發廩賑之

同上二十六

五月壬午黃州高郵真州建寧等處流民羣聚持兵抄

掠敕所在有司其傷人及盜者罪之餘並給糧遣歸

同上

冬十月給兩淮屯田總管府職田

同上

十一月己卯復浚揚州運河

同上

延祐五年春三月乙亥增給兩淮運司分司印

同上

延祐六年九月揚州路饑

同上

延祐七年夏四月增兩淮江南東西兩道田賦同上二十七

冬十月申嚴兩淮鹽禁同上

英宗紀至治元年秋八月甲辰高郵興化縣水免其租

同上

至治二年三月癸酉兩淮諸郡饑禁釀酒同上二十八

夏四月壬寅真州火賑之同上

六月戊辰揚州屬縣旱免其租同上

至治三年秋七月減海道歲運糧二十萬石併免江淮

增科糧同上

九月揚州屬縣饑賑之同上二十九

冬十月揚州江都縣火賑之

同上

泰定帝紀泰定元年冬十月真州珠金沙河淤塞詔所  
在有司備民丁浚之

同上

泰定三年五月揚州路屬縣財賦官田水免其租九月

揚州屬縣水賑之

同上

十一月封帖木兒不花爲鎮南王鎮揚州

同上

帖木兒不花傳帖木兒不花世祖孫鎮南王脫歡第四

子也脫歡薨子老章襲封老章薨弟脫不花襲封脫不

花薨子孛羅不花幼帖木兒不花乃嗣爲鎮南王

同上  
一百

七十

按諸王表云脫不花口口口年襲封

泰定四年春正月揚州路饑賑之

同上三十

夏四月揚州路屬縣饑賑糧鈔有差

同上

文宗紀天歷元年冬十月給淮東宣慰司銀字圓符命

有司收將士所遣符印兵仗

同上三十二

天歷二年冬十月丙戌遣鎮南王孛羅不花還鎮揚州

同上三十三

帖木兒不花傳文宗天歷初賜帖木兒不花黃金五十

兩白金五十兩幣二十四匹二年孛羅不花以長帖木兒

不花請以其位復還孛羅不花朝廷以其讓而不居也



改封宣讓王賜金印移鎮廬州

同上  
一百十七

至順元年春二月揚州安豐廬州等路饑以兩淮鹽課

鈔五萬錠糧五萬石賑之

同上  
三十四

至順二年春二月兩淮都轉運鹽使許有壬參議中書

省事

同上  
三十五

五月高郵寶應等縣三歲水免其租

同上

六月庚午以揚州江都縣去歲雨害稼免今年租

同上

七月高郵府去歲水灾免今年租

同上

八月揚州路呂天麟妻章氏貞節

同上

冬十一月戊寅樞密院臣言天歷兵興以揚州重鎮嘗

假淮東宣慰司以兵權今事已寧宜以所部兵復隸河

南行省

同上

順帝紀元統元年冬十月乙酉詔以高郵府爲伯顏食

邑

同上三十八

至正元年春三月庚戌罷兩淮屯田手號打捕軍役令

屬本所領之

同上四十

夏六月揚州路崇明通泰等州海潮湧溢溺死一千六

百餘人賑鈔萬一千八百二十錠

同上

達識帖睦爾傳至正九年遷達識帖睦爾淮南行省平

章事

同上百四十一

至正十二年春正月乙卯淮東宣慰司添設同知宣慰司事及都事各一員

同上四十二

脫脫傳至正十二年紅巾有號芝蔴李者據徐州脫脫請自行討之以人魯曾爲淮南宣慰使募鹽丁及城邑趨捷通二萬人與所統兵俱發

同上百十八

按本紀命遼魯曾爲淮東添設元帥統領兩淮所募鹽丁五千討徐州則人魯曾當作遼魯曾

二月癸未命諸王禿堅領從官百人馳驛守揚州賜金

一錠鈔一千錠

同上四十三

閏三月立淮南江北等處行中書省治揚州轄揚州高

郵淮安滁州和州廬州安豐安慶蘄州黃州上同

戊戌詔淮南行省設官二十五員上同

以淮東元帥蠻子爲右丞燕南廉訪使秦從德爲右丞

上同

辛丑命淮南行省平章政事晃火兒不花提調鎮南王

傅事上同

給淮南行省銀字圓牌三面驛券五十道詔平章政事

晃火兒不花以便宣行事上同

夏六月乙丑淮南廉訪使班祝兒平賊有功賜金繫腰

銀鈔上同

秋八月壬子以楔哲篤爲淮南行省左丞賜鈔五十錠

同上

丙辰以禿師迷失爲淮南行省平章政事

同上

冬十月甲寅拜知行樞密院事阿乞刺爲太尉淮南行

省平章政事

同上

至正十三年五月泰州白駒場亭民張士誠及其弟士德士信舉兵陷泰州淮南行省遣知府李齊招降被留久之賊酋自相戕始縱齊來歸士誠尋殺參政趙璉陷興化縣行省以左丞楔哲篤鎮高郵出齊守巒社湖會數賊呼譟入城省憲官皆遁齊還城門已閉士誠遂據

高郵稱誠王國號大周建元天祐已而有詔赦之使至  
不得入賊給言請李知府來乃受命行省強李齊往至  
則下齊於獄齊雖辯說百端而士誠本無降意士誠呼  
齊使跪齊叱曰吾膝如鐵豈爲賊屈士誠怒使曳倒搥  
碎其膝而髡之時論大科三魁若李黼泰不華及齊皆

不負所學云

宋元通鑑  
百五十五

六月丁酉命淮南行省平章政事福壽擊張士誠

同上

辛亥親王完者秃泰州陣亡賻鈔五百錠命前河西廉  
訪副使也先不花爲淮西添設宣慰副使討泰州

元史  
四十一

三

是月命淮南行省平章政事達世帖睦爾便宜行事

同上

至正十四年春二月己未以湖廣行省平章政事苟兒

爲淮南行省平章政事以兵攻高郵

同上

詔淮南立義兵萬戶府

同上

六月辛卯張士誠寇揚州達識帖睦爾討張士誠敗績

宋元通鑑一

百五十二

秋九月詔脫脫以太師中書右丞相總制諸王各愛馬

諸省各翼軍馬董督總兵領兵大小官將出征高郵

元史

四十

三

冬十一月丁卯脫脫領大兵至高郵辛未戰于高郵城

外大敗賊衆同上

朶兒只傳至正十四年詔脫脫總兵南討朶兒只領兵出淮南聽脫脫節制既而詔削脫脫官爵朶兒只乃以本部兵守揚州同上一百三十九

至正十五年夏四月詔翰林待制烏馬兒集賢待制孫撝招安高郵張士誠仍齎宣命印信牌面與鎮南王孛羅不花及淮南行省廉訪司等官商議給付之同上四十四

五月命淮南行省平章政事咬住淮東廉訪使王也先迭兒撫諭高郵同上

六月國王朶兒只薨於揚州軍中命郡王只兒噉伯管



領其所部軍馬同上

揚完者武岡綏寧之赤水人初群無賴嘯聚溪洞間完者內深賊持權詐故衆推以爲長王事曰棘湖南陶夢禎氏舉師勤王聞苗有衆習鬥擊遣使往招之由千戶累階至元帥夢禎死樞密判官阿魯恢總兵駐淮西仍用招納旣得旁緣入中國不復可控制略上江順流而下直抵揚州禽獸之行絕天逆理民怨且怒共起義兵攻殺之餘黨奔潰度楊子宿留廣德吳興間陶宗儀輟耕錄八

案輟耕錄二十九卷張士誠事申載湖廣行省右丞

阿魯恢引苗軍來在至正十五年九月二十五日故

附於此

冬十月丁巳立淮南行樞密院於揚州

元史四十四

己卯以翰林學士承旨慶童爲淮南行省平章政事

元史

四十四

至正十六年二月張士誠陷平江湖州松江常州諸路  
或謂士誠有降意元遣烏馬兒孫搆持詔往士誠拘之  
一室迫使降搆詬斥不絕及士誠徙平江搆與士誠部  
將張茂先者謀遣人約鎮南王刻日進兵復高郵語泄  
遂遇害

宋元通鑑一百五十三

至正十七年春正月丙申監察御史哈刺章言淮東道

廉訪使楮不華殉忠盡節宜加褒贈優恤其家從之同上

四十五

三月乙未以江淮行樞密院副使董搏霄爲山東宣慰

使

同上

秋八月乙丑以淮南行省參知政事余闕爲淮南行省

左丞

同上

冬十月甲申上率諸軍至大通江樞密張鑑以揚州降

欽定皇朝本紀

大明兵取揚州張士誠侵嘉興屢爲楊完者所敗乃以書請降於元達識帖睦迺以其反覆不可信不許完者

固勸乃承制假江浙廉訪使周伯琦行省參知政事往  
招諭之士誠始要王爵達識帖睦迺不許又請爵爲三  
公完者力爲之請達識帖睦迺外雖拒之實幸其降遂  
授士誠太尉其弟士德淮南平章士信同知行樞密院  
事其黨皆授官有差

宋元通鑑一百五十三

十二月詔淮南行知樞密院事脫脫領兵討淮南同上  
五

至正二十五年十一月大明兵取泰州時泰州通州高  
郵淮安徐州宿州泗州濠州安豐諸郡皆張士誠所據  
同上四  
十六

至正二十六年春三月大明兵取高郵府

元史四十七

至正二十七年冬十月乙巳皇太子奏以淮南行省平章政事王信爲山東行省平章政事兼知行樞密院事

上同

丙午加司徒淮南行省平章政事王宣爲沂國公

上同

石普傳張士誠據高郵普詣丞相面陳破賊之策且曰高郵負重湖之險地皆沮洳騎兵卒莫能前與普步兵三萬保取之高郵旣平則濠泗易破普請先驅爲天下忠義倡丞相壯之命權山東義兵萬戶府事招民義萬人以行初令普便宜行事及行又使聽淮南行省節制

普行次范水砦日未夕普令軍中具食夜漏三刻下令  
銜枚趨寶應其營中更鼓如平時抵縣卽登城樹幟城  
上賊大驚潰因撫安其民由是諸將疾普功水陸進兵  
乘勝拔十餘砦斬賊數百將抵高郵城分兵三隊一趨  
城東備水戰一爲奇兵虞後一普自將攻北門遇賊與  
戰賊不能支遁入城普先士卒躡之縱火燒關門賊懼  
謀棄城走而援軍望之按不動且忌普成功總兵者遣  
蒙古軍千騎突出普軍前欲收先入之功而賊以死扞  
蒙古軍恇怯卽馳回普止之不可遂爲賊所蹂踐率墜  
水中普軍亂賊乘之普勒餘兵血戰良久仗劍大呼曰

大丈夫當爲國死有不進前者斬奮擊直入賊陣中從者僅三十人至日西援絕被創墮馬復步戰數合賊益至賊指曰此必頭目不可使逸須生致之普叱曰死賊奴我卽石都事何云頭目左脅爲賊鎗所中猶手握其鎗斫賊死賊衆攢鎗以刺普普與從者皆力戰俱死之

同上  
九十四

納速刺丁傳納速刺丁起身鄉貢進士補淮東廉訪使司書吏丁母憂服闋復辟掾淮東宣慰司賊發眞州納速刺丁以民兵往襲之獲賊四十二人已而泰州賊大起鎮南王府宣慰司請參議軍事納速刺丁建議築四

城立外寨捷堤穿河募兵與賊抗行省檄其提戰艦六十海舟十四上下巡捕以固江面未幾賊犯蕪湖行臺檄使來援乃以兵赴遂三分艦縱擊之俘斬甚衆因留守蕪湖江口泰州李二起行省移之捍高郵得勝湖賊船七十餘柁乘風而來卽前擊之焚其二十餘船賊潰去李二失援遂降其黨張士誠殺李二復爲亂襲高郵屯兵東門納速刺丁以舟師會諸軍討之距三堞鎮賊衆猝至納速刺丁麾兵挫其鋒後賊鼓譟而前乃發火箭火鏃射之死者蔽流而下賊縲船於背盡力來攻而納速衛軍及真滌萬戶府等官見賊勢熾皆遁走納速



刺丁遂與其三子寶童海魯丁西山驢皆死之省憲爲

賻其家事聞贈淮西元帥府經歷

元史一百九十四

張士誠小字九四泰州白駒場亭人有弟三士義士德士信兄弟並以操舟運鹽爲業緣私作奸輕財好施頗得群輩心常鬻鹽諸富家富家多陵侮之或負其值弗酬而弓手且義尤窘辱士誠甚士誠忿卽率諸弟及壯士李伯昇等十八人殺義并滅諸富家縱火焚其居入旁近場招少年起兵鹽丁方苦重役遂共推爲主行過溪爲大姓刘子仁者所扼士義中矢死士誠擊走子仁乘勝陷泰州高郵守李齊諭降之復叛殺行省參政趙

璉並陷興化結砦德勝湖有衆萬餘襲據高郵元以萬戶告身招之拒不受給殺李齊自稱誠王國號大周建元天佑是歲元至正十四年也宣慰使也先不花行省平章福壽等討之皆不克乃命右丞相脫脫總大軍出討數敗士誠圍高郵墮其外城城且下順帝信讒解脫脫兵柄以他將代之士誠乘間奮擊潰去士誠由是復振淮東饑謀他掠會江陰寇朱英招士誠士誠乃遣士德由通州渡江入常熟攻據平江改平江爲隆平府士誠自高郵來都之卽承天寺爲府第踞坐大殿中射三矢於棟以識是歲太祖亦下集慶遣楊憲通好於士誠

士誠留憲不報已遣舟師攻鎮江敗去太祖乃遣徐達等攻圍常州士誠遣兵來援大敗失張湯二將乃以書求和請歲輸粟二十萬石黃金五百兩白金三百斤太祖答書責其歸我楊憲歲輸五十萬石士誠復不報初士誠既得平江卽以兵攻嘉興不能克乃遣士德間道破杭州復敗歸已而徐達克常州耿炳文取長興吳良等取江陰士誠兵不得四出勢漸蹙思復降元亡何徐達徇宜興攻常熟士德迎戰爲趙普勝所擒士德小字九六最善戰能得士心士誠大沮決計請降於元授士誠大尉士德在金陵竟不食死士誠雖去僞號擅甲兵

土地如故達識帖睦邇在杭與楊完者有隙陰召士誠  
兵士誠遣史文炳襲殺楊完者遂有杭州順帝遣使徵  
糧賜之龍衣御酒士誠自海道輸糧十一萬石於大都  
歲以爲常旣而益驕邀王爵元不許至正二十三年九  
月士誠自立爲吳王尊其母曹氏爲王太妃置王府官  
屬別治府第於城中以士信爲浙江行省左丞相逐達  
識帖睦邇幽之嘉興元徵糧不復與遂與元絕參軍俞  
思齊者字中孚泰州人諫士誠曰向爲賊可無貢今爲  
臣不貢可乎士誠怒抵案仆地思齊卽稱疾引去士誠  
拓土南抵紹興北踰徐州達於濟寧之金溝西距汝潁

濠泗東薄海二千餘里帶甲數十萬以士信及女夫潘元紹爲腹心左丞相徐義李伯昇呂珍爲爪牙參軍黃敬夫蔡彥文葉德新主謀議元學士陳基右丞饒介典文章又好招延賓客所贈遺輿馬居室什器甚具諸僑寓貧無藉者爭趨附之士誠爲人外遲重寡言號爲有器量而中實闇弱旣據有吳中吳承平久戶口殷盛士誠漸奢縱怠於政事士信元紹尤好聚斂自金玉珍寶訖古法書名畫無不充牣於家日夜以歌舞相娛樂諸將亦偃蹇不用命每有攻戰輒稱疾高卧邀求官爵美田宅然後起甫至軍所載婢妾樂器踵相躡不絕或大

會游談之士擄蒲蹴踘一不以軍務爲急及喪師失地  
士誠概置不問已復用爲將威權不立遂致於亡太祖  
與士誠接境士誠數以兵攻常州江陰輒不利去而太  
祖遣邵榮攻湖州胡大海攻紹興常遇春攻杭州亦不  
能下廖永安被執謝再興叛降士誠太祖欲伐吳甚方  
與陳友諒相持未暇及也友諒亦遣使約士誠夾攻太  
祖而士誠欲守境觀變許漢使者卒不行太祖旣平武  
昌師還卽命徐達等規取淮東克泰州通州圍高郵士  
誠以舟師溯江來救太祖自將擊走之達等遂拔高郵  
取淮安悉定淮北地於是移檄平江數士誠入罪復使

大將軍徐達副將軍常遇春率兵東伐自太湖趨湖州吳人迎戰於毗山又戰於三里橋皆敗遂圍湖州士誠遣朱暹五太子等以六萬衆來援屯於舊館築五砦自固達遇春築十壘以遮之斷其糧道士誠知事急親督兵至戰於皂林之野又大敗徐志堅敗於東遷潘元紹敗於烏鎮遂破昇山水陸寨舊館援絕五太子朱暹呂珍皆降五太子者士誠養子短小精悍能平地躍丈餘又善沒水珍暹皆宿將善戰至是降達等以徇湖州守將李伯昇等以城降嘉興松江相繼降而潘元明亦以杭州降於朱之忠大軍遂攻平江築長圍以困之士誠

距守數月太祖移書招之士誠不報數突圍決戰俱不利士誠故有勇勝軍號十條龍者皆驍猛善鬥每令被鏝鎧錦衣出入陣中亦悉敗溺萬里橋下死最後丞相士信又中礮死城中洶洶無固志城遂破士誠收餘衆戰於萬壽寺東街衆散走倉皇歸府第拒戶自縊故部將趙世雄促解之大將軍數遣李伯昇潘元紹等諭意瞑目不答昇出葑門入舟不復食至金陵竟自縊死年四十七命具棺葬之方士誠之被圍也語其妻劉曰吾敗且死矣若曹何爲劉答曰君毋憂妾必不負君積薪齊雲樓下及城破驅群妾登樓令養子辰保縱火焚之



亦自縊死有二幼子匿民間不知所終

王鴻緒明史  
藁一百十四

初王克柔者泰州人家富好施多結游俠將爲不軌高  
郵知府李齊收捕於獄李華甫與麴張四素感克柔恩  
謀聚衆劫獄齊以克柔解發揚州後招安華甫爲泰州  
判四爲千夫長至正十三年五月士誠又與華甫同謀  
起事未幾士誠黨與十八人共殺華甫遂併其衆

輟耕  
錄二

九十

繆大亨傳大亨定遠人初糾義兵爲元攻濠不克元兵  
潰大亨獨率衆二萬人與張知浣屯橫澗山固守月餘  
太祖以計夜襲其營衆潰大亨與子跳去比明復收散

卒列陣以待太祖遣其叔貞諭降之命將所部衛左右  
從征伐數有功擢元帥總兵取揚州克之降青軍元帥  
張明鑑初明鑑聚衆淮西以青布爲號稱青軍又稱長  
鎗軍由含山轉掠揚州元鎮南王孛羅普化招降之以  
爲濠泗義兵元帥踰年食盡謀擁王作亂王走死淮安  
明鑑遂據城屠居民以食大亨言於太祖太祖命大亨  
亟攻明鑑得其衆數萬馬二千餘匹悉送其將校妻子  
至應天改淮海翼元帥府爲江南分樞密院以大亨爲  
同僉樞密院事總制揚州鎮江

明史彙一  
百三十

耿再成傳再成從太祖渡江破集慶鎮江擢再成元帥

守鎮江克揚州守之進行樞密院判官守長興還守揚

州同上一百二十一

孫興祖傳興祖從太祖渡江擢天策衛指揮使克泰州

徐達請命守海陵同上

成祖紀建文四年五月辛卯王克盱胎癸巳王會諸將  
議所向或言宜取鳳陽或言先取淮安王曰鳳陽樓櫓  
完淮安有積粟不若乘勝直趨揚州指儀真則淮安鳳  
陽自震動諸將曰善己亥徇揚州王駐師江北天子遣  
慶成郡主至軍講割地以和王曰此奸臣欲緩我以俟  
外兵耳郡王默然辭歸六月癸丑陳瑄率舟師降甲寅

祭告大江乙卯自瓜洲渡盛庸以海艘迎戰擊敗之明史

藁五

建文帝紀燕兵趨揚州指揮王禮等叛降燕御史王彬

指揮崇剛死之同上

秋七月壬午揚州蠲租一年同上

永樂九年揚州水明史六 欽定

宣宗紀宣德九年春二月己酉賑揚州府旱饑明史藁七

英宗紀正統二年六月庚辰揚州府大水副都御史賈

諒工部侍郎鄭辰往賑之同上

李秉傳秉字執中正統元年進士授平延推官累官至

戶部主事兩淮鹽課弊黨逮數百人秉往覈搜得偽印

逮者得白

同上  
一百六十一

正統十二年五月己亥大理少卿張驥賑濟及至淮揚

饑

同上  
八

景帝紀景泰三年九月辛卯以兩淮大水河決久不治

命都御史王文巡視安輯

同上

景泰五年三月命學士王文撫恤揚州及蘇常諸府尚

書儀銘以江南北積雪沍寒死亡載道奏請賑恤帝得

奏卽命文賑揚州及蘇常諸府

御批歷代  
通鑑輯覽一百四

秋九月壬戌免蘇松常揚等府糟糧二百十七萬石別

運淮徐臨德四倉糧以補之

同上九

十二月免揚州被灾者秋糧

同上

王信傳成化初都勝擢都指揮僉事備倭揚州擊敗鹽徒爲亂者乃命勝充參將協同漕運而郭鉉代之備倭

同上  
一百五十八

汪奎傳奎從子舜民字從仁擢雲南屯田副使憂歸服除適淮揚大饑以故官奉命賑濟用便宜發粟奏停不急務治饑民百二十萬人流冗復業者八千餘戶

明史  
藁一

百六  
十三

劉七與徐彥名糾水寇自黃州九江湖口彭澤以及安

慶太平儀真鎮江所過殘滅兵侍陸完統諸將下揚州  
斬退避指揮程鵬等將截海口而七至鎮江或泊通州  
之狼山或屯常熟之福山港遂凌駕江面縱橫上下通  
太如臯咸被流劫乃復自通州泝江而上犯江西諸境  
復下通州游獵每謀自通太登岸復還山東而揚州官  
軍拒之

毛奇齡後  
鑑錄二

案明史藁陸完討賊劉七事在正德七年八月

武宗紀正德十四年八月戊辰以南征告郊廟

明史藁  
十三

冬十一月己未次寶應漁汜光湖十二月辛酉次揚州

大索處女寡婦壬戌獵城西戊寅閱女伎於揚州癸未

漁新開甲申幸儀真民黃昌本家閱太監張雄所選伎

送其半於御舟明史藁十三

江彬傳帝至揚州數獵城西命神周取鷹犬於泰州卽

東循草場大獵以劉姬諫稍止同上二百八十五

張永傳武宗南征有太監吳經者尤親暱先至揚州嘗

夜半燃炬通衢遍入寡婦處女家掠以出號哭震遠近

許以金贖貧者多自經明史三百四 欽定

唐龍傳嘉靖七年改龍右僉都御史總督漕運奏寬通

泰二州虛田租及漕卒船料民甚德之明史藁一百八十四

嘉靖十年春二月甲戌免揚州被災者秋糧同上十四



嘉靖十一年秋九月丁卯免揚州被灾者稅糧 同上

嘉靖二十年春正月免揚州府被灾者稅糧 同上

日本傳嘉靖三十三年正月倭自太倉掠蘇州攻松江

復趨江北薄通泰 同上 一百九十六

吳桂芳傳桂芳嘉靖二十三年進士授刑部主事母病

請歸起補禮部遷揚州知府御倭有功遷俸一級又建

議增築外城揚有二城自桂芳始 同上 一百一

案府志云嘉靖乙卯知府吳桂芳請築外城乙卯嘉

靖三十四年也

日本傳嘉靖三十五年倭掠揚州高郵入寶應遂侵淮

安府集於廟灣

同上 一百九十六

夏四月揚州衛千戶洪岱文昌齡率兵至通州遇倭死  
之倭薄揚州都指揮張恒千戶羅大爵曾沂禦之於教  
場兵潰死之時倭一從瓜洲入一從新港入一從通州  
入一日報倭至薔薇港次日又報至霍家橋逃者爭渡  
不得將沿河北走又遇北路倭至被殺及溺死者數千  
人縱火殺掠衛官張恒等倉皇領兵列營教場中倭鳴  
角圍突恒兵潰敗俱死

康熙揚州府志九

五月倭犯瓜洲民擊走之時擡鹽脚夫百人遇倭卽用  
擔奮擊倭不能當棄刀仗而逃被傷者頗多上官

雍正

揚州府

志四十一

倭復至揚揚州府同知朱良與高郵衛經歷晏銳率千

戶賈勇及子恩引兵出城渡河東禦之被倭所敗良與

銳擄至井巷口被害

康熙揚州府志九

嘉靖三十六年夏四月倭見揚州東關及瓜洲俱添設

城堡不得肆掠乃從高郵至寶應縣焚掠殆盡

同上

嘉靖四十一年冬十月免淮場諸府被災者稅糧

同上十四

十一月己酉倭陷興化

同上

穆宗紀萬歷二年八月庚午揚州河溢傷稼蠲賑有差

同上十六

萬歷三年秋八月河決碭山江浙頻歲水潦爲災是年五月淮揚又大水詔察二府有司貪酷老疾者罷之至是河決碭山而北淮決高家堰而東高郵湖亦決清水

潭口淮城幾沒

御批歷代通鑑輯覽一百十

萬歷七年三月甲子免淮揚逋賦

明史藁十六

八月辛丑免興化寶應山陽被災田租

同上

萬歷十二年二月辛酉免淮安揚州被災者稅糧

同上

徐縉芳傳萬歷間縉芳巡兩淮頗通賓客賂遺被劾坐

贓遣戍

欽定明史二百四十八

陸光祖傳萬歷間蔡時鼎視鹺兩淮以建言罷商人訐

於南刑部光祖時為尚書雪其誣罪妄訴者

同上二百二十四

史堇傳堇巡按淮揚括庫中贓罰銀十餘萬人已橐攝

巡鹽又掩取前官張錫命貯庫銀二十餘萬

定明史二

百五十三

沈淮傳天啓元年六月淮奏言遼左用兵方亟言謹於

東陽義烏諸邑及揚州淮安募材官勇士二百餘請以

勇士隸錦衣衛而量授材官職進忠朝方舉內操得淮

大喜詔錦衣官訓練募士授材官王應斗等游擊以下

官有差

同上二百二

閻鳴泰傳天啓七年七月淮揚巡鹽許其孝等方建生

祠於揚州將上梁而熹宗哀詔至既哭臨釋縶易吉相  
率往拜同上二百二十五

莊烈帝崇禎十七年五月明分淮揚鳳廬爲四鎮以黃  
得功劉良佐劉澤清高傑領之時議分江北爲四鎮劉  
澤清轄淮海駐淮北經理山東一路高傑轄徐泗駐泗  
水經理開歸一路劉良佐轄鳳壽駐臨淮經理陳杞一  
路黃得功轄滁和駐廬州經理光固一路仍進得功靖  
南侯封傑興平伯澤清東平伯良佐廣昌伯時得功澤  
清傑爭欲駐揚州傑先至固欲入城揚州民畏傑不納  
傑攻城急日掠村廂婦女民益惡之知府馬鳴騷推官

湯來賀堅守月餘

進士鄭元勳家城中身詣傑營責以大義傑頗感悟為斂兵五里外城西

北得暫啟門以通薪而守城者負約數以矢石傑知不中傑兵傑兵復進揚人競疑元勳通傑遂遇害

可攻意稍怠而澤清亦大掠淮土臨淮不納良佐軍亦

被攻王命可法往解得功良佐澤清皆聽命乃詣傑傑

素憚可法夜掘坎十百埋暴骸旦日謁可法帳中詞色

俱變汗浹背可法坦懷待之接偏裨以溫語傑大喜過

望然傑亦自是易可法用已甲士防衛文檄必取視而

行可法夸然為具疏屯其眾於瓜洲渡傑又大喜可法

乃開府揚州

盤輯覽 御批歷代通 一百十六

郝彪佳傳彪佳生而丰姿絕人天啟二年進士授興化

推官崇禎四年起擢御史久之巡按蘇松國變募士爲  
蒼頭年親教戰適興平兵攫丹陽市錢浙兵勤王者不  
平鬪而傷軍彪佳率蒼頭馳治斬興平兵興平伯高傑  
夙憚彪佳名至是忌之揚言且移兵丹陽以啗彪佳彪  
佳却以牒約會傑於大觀樓時傑踞瓜步大觀者瓜步  
樓也傑謂彪佳必不至至期風作傑笑曰祁撫不至有  
辭矣頃之隔江帆起破浪頃刻達岸傳呼曰祁都堂至  
矣傑聞之大駭裹甲出迎及門見彪佳雨巾單衣攜胥  
隸各一人又大喜手揮部士去勞且拜起指江誓曰公  
鉅人也公在傑越尺寸以溷公者有如此江乃屠宰饗



彪佳彪佳一舉箸而別

毛奇齡西河集四

福王傳六月命萬元吉再往揚州六合調輯軍民

明史藁一

一百十

秋七月庚寅金聲桓駐防揚州上同

九月明黃得功趨揚州高傑以兵襲儀真不克初史可

法置得功儀真與傑陰相牽制及是登萊總兵黃蜚將

之任蜚與得功同姓稱兄弟移書請兵備非常得功率

騎三百由揚州往高郵迎之傑素忌得功又疑圖己乃

伏精卒道中邀擊之得功行至土橋方作食伏起出不

意上馬舉鐵鞭飛矢雨集馬踣騰地騎馳有驍騎舞槊

直前得功大呼反鬥挾其槩而扶之人馬皆糜復殺數十人跳入頽垣中哮聲如雷追者不敢進遂疾馳至其軍得免方鬥時傑潛師擣儀真得功兵頗傷而所俱行三百騎皆沒遂訴於南京願與傑決一死戰命太監盧九德及可法遣監軍萬元吉和解之不可會得功有母喪可法往弔語之曰土橋之役無智愚皆知傑不義今將軍以國故捐盛怒而歸曲於高是將軍收大名於天下也得功色稍和終以所殺亡多爲恨可法令傑償其馬復出千金爲母賄得功不得已聽之

御批歷代通鑑輯覽一百

六十

休寧汪耐菴曾拜靖南侯門下高傑引兵爭揚州公從  
靖南侯飲盤列生彘肩割啖之帳下驍將能飲者以次  
坐入浮巨觴俄報高兵十里外將至矣侯笑飲不動又  
報距五里又報僅三里飲如故及報已抵城下侯乃上  
馬旁一卒授之弓執左手又一卒授之鎗掛於肘又一  
卒授之鞭跨左腿下一卒授之鎧跨右腿上背後五騎  
騎負一箭筈箭百隨之往抽箭亂射疾如雨箭盡擲  
弓繼以鎗鎗貫二騎折旋又擊死二騎須臾擲鎗用鞭  
鐏雙揮之肉雨隊衆軍已歌凱矣歸而豪飲如平時

士奇圍奇  
所寄九

吉趙

明史可法遣諸將分守要地高傑移駐徐州初可法出巡淮安閱劉澤清士馬返揚州請餉爲進取資馬士英靳不發可法疏趣之因言今事勢更非昔比至是可法議分布諸將奏請以總兵李成棟鎮徐州賀大成鎮揚州王之綱鎮河南李本身胡茂楨隸高傑麾下爲前鋒而令劉肇基駐高家集李棲鳳駐睢寧以防河用張天祿爲閣標前鋒駐瓜洲高傑遂帥兵移鎮徐州

御批歷代

通鑑輯覽  
一百十六

福王傳順治二年二月乙丑明黃得功引兵趨揚州遣

盧九得諭之

明史藁一  
百十一

癸酉命高起潛駐揚州

同上

三月己酉以錢繼登爲都察院右僉都御史總理兩淮

鹽法兼督江防軍務

同上

福王宏光元年夏四月我

大清兵克揚州明督師兵部尙書兼大學士史可法等  
死之可法初聞

大兵南下將移軍泗州防護祖陵輜重已發而左良玉  
稱兵召之入援渡江抵燕子磯黃得功已破良玉軍可  
法乃趨天長俄報盱眙已降

大清泗州援將侯方巖敗歿可法一日夜奔還揚州訛

傳許定國兵將至礮高氏部曲城中人悉斬關出可法  
檄各鎮兵無一至者獨總兵劉肇基自白洋河趨赴請  
背城一戰可法持不許  
御批歷代通鑑輯覽一百十六  
史可法傳十八日

大清兵逼揚州城下招諭可法及胤文四總兵二道官  
等不從俄總兵李棲鳳監軍副使高岐拔營出降城中  
勢益孤諸文武分陴距守二日

大清兵用巨炮擊城西北隅毀二十五日城遂破可法  
自刎不死一裨將擁出小東門被執可法大呼曰我史  
督師也可速殺我勸之降不從遂被殺胤文赴水死揚

州知府任民育同知曲從直王纘爵江都知縣周志畏  
羅伏龍兩淮鹽運使楊振熙監餉知縣吳道正江都縣  
丞王志端幕客盧渭等皆死劉肇基城破牽其將佐巷  
戰全軍俱沒

明史藁二  
百五十四

十四日督鎮史可法從白洋河失守踉蹌奔揚州堅閉  
城禦敵至二十四日命諸將分埤拒守越次早督鎮牌  
諭至內有一人當之不累百姓之語聞者莫不感泣又  
傳巡軍小捷或曰靖南侯援兵至旋觀城上守城者尙  
嚴整不亂忽數十騎自北而南勢如波湧中擁一人則  
督鎮也蓋奔東城外兵逼不能出欲奔南關故由此是

時始知

大兵已入城突一騎自南而北撤韉緩步仰而哀號馬前二卒依依轡首至今猶在目恨未傳其姓字也騎稍遠守城丁紛紛下竄悉棄冑投戈致有碎首折脛者回視城櫓已一空矣

失名乙酉錄

康熙二十年吳江吳漢槎兆騫自寧古塔歸京師駐防將軍安某者老將也語之曰子歸可語史館諸君昔王師下江南破揚州時吾親見一官人戴巾衣蹙騎一驢詣軍營自云我史閣部也親王引與坐勸之降以洪承疇爲比史搖首云我來只辦一死但慮死不明白耳



王百方勸諭終不從乃就死此吾所目擊者史書不可

屈却此人云

王士正池北偶談七

盧渭字渭生長洲人居禮賢館久可法試以策擢特等以渭方歲貢當得官不受職而擬授崑山歸昭等二十餘人爲通判推官知縣甫二旬城陷渭監守鈔關投河

死昭分守西門死

明史葉二一  
百五十四

吳爾壘崇德人

按府志云吳爾壘字介子浙江石門人

舉崇禎十六年進

士授庶吉士流賊攻陷京師降賊賊敗南還謁可法請從軍贖罪可法遂留參軍事其父之屏方督學福建爾壘斷一指畀故人祝淵曰君歸語我父母悉出私財畀

我餉軍我他日不歸以指葬可也尋從高傑北征至睢  
州傑被難爾璦流寓祥符遇一婦人自言福王妃爾璦  
因守臣附疏以進詔斥其妄言逮之可法爲救免後守  
揚州新城投井死

同上

案盧渭歸昭吳爾璦乃忠正公之幕客旣非職官又  
非流寓故附於乙酉事志之末

揚州圖經卷八終

抄小匡集

卷八